

書

苕溪集卷第四十三

外制

范璿王鈇左司郎官潘特竦魏良臣右司郎官

勅具官某文昌政事之本分曹設屬序于左右宰士
總其凡弥綸缺敵以佐其長以告于上而予奪罷行
云其任顧不重耶尔璿靜默遽深惟義之守尔鈇安
恬樂易過事必為尔特竦行顧其言有長者之譽尔
良臣才周于事有健敏之稱或以序遷或由迭擢周
官有云以倡九牧阜成兆民盖六卿之責也尔則與

馬其思所以稱此無羞朕命可

周綱檢正晁謙之檢詳

勅具官某二省基王命之地右府本兵柄之嚴爰建
屬僚摠司出納庶幾習熟聞見為大用之階爾綱守
道不回持心近厚揚歷中外藹然休聲凡改令之事
爾其審觀無使頗類爾謙之名卿之胄學有家法徇
翔省寺見謂敏明凡疆場之謀戰多之賞爾悉開次
以協事功其各究乃心朕思其稱朕於此觀能焉可

周葵殿中侍御史

勅具官某治疾以苦口之藥疾已而藥可捐治身以
苦口之言身修而言有味君子以是知言之不可忘
也爾頃以文行為朕識推既居御史知無不言皆
有益比其去也朕心思焉茲用詔除復畀言路上有
糝政朕所樂聞史之多姦惟爾勿貸俾朕以治已之
道治人君子進為小人退聽天下蒙福其庶幾乎可

何鑄監察御史

勅具官某御史三院共持憲綱而六察糾政合之稽
違以佐朝廷之賞罰其送惟遊爾執義蹈禮蘊藉深
厚見足事業必有可觀肆朕命爾為耳目之官往其
懋哉尚有後渥可

韓珉江東運判

勅具官某江左地重勢踞三吳師屯列營取給漕食
爾謹身奉法恪勤弗懈輸將之職公論謂宜至于省
察吏姦訪求民瘼此部使者所當自任毋俟訓言可
周三畏大理卿

勅具官某昔者謂廷尉天下平持以持平之難也天
下之寬至于廷尉而不得伸則控告無所矣夫豈容
於不平爾迴翔棘寺有年于茲議法不私處心近厚
人無間言是用正位九卿以旌尔勤嗚呼張釋之于
定國何人哉尔其盡心矣速之有可

向宗厚吏部郎中

勅具官某時巡以來典籍散逸送曹品式幾止僅存
雖省憶之文稍從編次而予奪之例出入尚多以尔
執德清夷宅心堅正踐更中外譽處甚休我圖老成
俾還省戶大豈特重三銓之寄以庶幾清列宿之行
益懋尔猷毋俟多訓可

李迨京畿都轉運使

勅朕慨念舊都中更戎壘封圻千里田野蕭然比命
途臣徃司管籥可無膚使者觀民風具官某才足以
應時須智足以周事變存膺選任名寔具孚朕簡求

侍從之良增重轉輸之寄布宣至意有若親臨歛薄
施豐惟其僅足嗚呼爾無以鍼砭為速惟拊摩之是
光爾無以斧柯為功惟萌芽之是察勉修厥職以副
朕心可

環慶帥臣趙懋遣敦武郎張允弼進本路
圖籍等特與轉兩資

勅具官某爾奉章詣闕跋履修塗有嘉其勤進秩二
等服此光寵並勵厥修可

趙令裕福建提刑

勅具官某法弊于史所從來久楚漢之法非亡也而

或為之上下其手輕重其心則雖曰法存不已廢乎
爾宗胄之良見謂清審出入中外多所踐更攬轡一
方其為朕察其所由然者一切以枉後惠文彈治之
俾民自以為不冤則為稱朕爾其無怠可

王述監永通監日欺隱官物累年不行送
納特降一官衝替

勅具官某爾受郡國羨財入于泉府乃敢稽違不以
時上原情議法罪其可逃貶秩免官茲亦怒矣可

吳偉明除直祕閣應天府路提刑

勅具官某梁朱之區封圻千里創殘十稔版籍始歸

比命途臣往司苗鑰可無膚使省觀民風以爾靜正
寡言循良近古輟從治郡易畀外臺考之于詩蓋忠
信之人是任授之以戢惟刑辟之事是專刑乃期於
無刑訟必使之無訟何以臻此尔其懋焉庶幾慈惠
之風不辱光華之命可

陳遠猷除四川轉運副使

勅具官某全蜀之饒弊千兵賦茲有年矣朕心憫焉
簡求忠厚之臣往仕轉輸之寄尔通才適變敏識絕
人更踐劇煩厥有間譽輟從帥幕就畀使軫績師牧
民悉惟汝責通融之妙其必有方非朕所能知也如

汝責而已尚其勉之可

曾楙知潭州

勅長沙居湘川之奧八豈工闢南通嶠嶺唇齒荆雍
分閩之任朕不敢輕具官某萬寔純明疏通博敏名
德之懿表于縉紳早辭法從之班久袖經綸之手特
方謀帥允屬老成茲朕付爾荆湖一都會之雄封疆
數千里之廣惟所節度有兵有民勉思其艱以圖其
易威德兩濟時乃之休可

仇愈除寶文閣直學士陝西都轉運使

勅朕惟三秦之地雄視九州臨遣漕臣自者甚重矧

茲王略始及舊疆必求忠信之祿往布惠綏之實具
官某才能卓偉問李淹該識每洞於幾微刃可施于
槃錯眷閔隴垂睽之久屬干戈蹂躪之餘餽師牧民
觀風問俗澄清攬轡非汝孰宜陞內閣之崇資增使
華之重寄送之以禮式勉其行嗚呼爾惟參朮之是
施勿攻以毒爾惟稂莠之是去勿翦其良服我訓言
益思其稱可

向子諲轉一官致仕

勅樂于進為則以逢時自幸安于靜退則以得去為
榮鍾鼎山林各存志慕朕之鳥能必以官職之事累

之哉具官某修潔博習甚敏而文勵行砥名自殊肺
附閱歷多故勤勞百為頃辭法逆之班出頒輔藩之
重浩然請老去不待年結社香山豈特棲心於澹泊
角巾東路殆將平歲以優游賢哉大夫自此遠矣進
官一等用寵其行服我訓辭並綏壽祉可

呂頤浩贈太傅

勅砥節礪行者為臣之能事追往原終者有國之大
經矧惟耆艾之英實受股肱之託可無愍冊以寄予
哀具官某氣稟純全學探蘊奧屆出將入相之略有
經文律武之才慷慨百為周旋三紀袞衣赤舄再登

揆路之崇玉節瑤戈屢即齋壇之拜事書勲府名在
史官辭富貴而弗居處山林而寄傲比欣入覲旋復
我行慕赤松之高蹤返東家之舊隱僅踰浹日遽殞
元身念一老之不遺固中心之是悼肆頒徽數正位
上公惟誠意之可通尚光靈之未泯可

茗溪集卷第四十三

茗溪集卷第四十四

外制

劉昉除禮部郎官張擴祠部郎官朱敦儒
都官郎官

勅具官某文昌政事之本分曹列屬其職雖異要其
胸中皆有治具然後授之如昉才高識明論議不苟
如敦儒擴停涵蓄養邃於學而妙于辭蓋一時之選
禮刑之事尔等習焉毋俟多訓可

宋裴除江西運判蒲贄湖北運判曾緯淮
東提舉茶鹽

勅具官某經費之重實在大農而賦租之入山海之
利繫于邦國者惟部判者是責其選宜遠尔柴尔贊
術業屢試綽有能稱茲用付以輸將之事爾緯名家
之子甚敏而文通貨之權寔始受任朕惟江湖淮海
之區利孔所出盖非一端所不欲聞也責爾等者經
費而已可不懋哉可

蔣汝翼特與補正左奉議郎依舊通判涇

州

勅具官某爾係心王室悔罪而歸奔走鼎采叩閣自
列朕念華夏本吾臣民洗滌舊污被以新寵俾還厥

職仍正官照其深体于厚恩益自期於忠孝可

忠訓郎董言管押馬綱稽苗作過特降一

官仍依衝替人例施行

勅具官某爾以古帝之事稽留道途乃管其私事在
必罰免官貶秩茲謂小懲其尚循省可

劉才邵除祕書丞李百藥祕書郎

勅具官某冊府士之異北追風汗血之駿在焉識者
朝暮而取之無留良也尔等召自外服問以所知論
議切理有當朕意丞郎之職其選甚高往屬尔修以
俟識拔可

上殿人鄭邦哲與循兩資令還任

勅具官某爾往從而長將命隴蜀還奏所聞通練明
審進階二等用荅尔勤

左宣教郎任紳乞以所轉左奉議郎一官
封母劉氏與封孺人

勅具官某母劉氏朕擴因心之教惠于百辟不愛爵
賞以風厲之矧其有子孝如閔顏且欲以官秩之寵
易畀其親者予惟尔身修與其教子不待言而信矣
疏封之典其尚知榮可

左承議郎鄭穀除御史臺主簿

勅具官某御史府風憲所在其屬皆一時異選薄領
鈞稽之職非他有司比也尔志行老成謹厚通敏俾
居厥次公論謂宜尚勉之哉可

邵溥磨勘轉左朝議大夫
胡舜陟辭自具
官某才識精敏
論議激昂中外踐更休有譽處其餘上下
詞同邵溥

勅朕著考績之令校功數最一本至公雖侍從之臣
禮遇有異而積日聽遺厥叙惟等具官某才識超詣
論議有餘經學傳家典刑未泯奉祠均佚亦既淹時
會課三銓就官一列雖非異數庸示眷懷可

葛勝仲磨勘轉左正奉大夫

勅工部詞同具官某文學志行表于縉紳進退雍容不
愆禮義奉祠均佚亦既淹時會課銓曹正秩三品優
賢求舊庸示不忘可

郭仲荀兼管田大使

勅昔趙充國馳至金城圖上方略願罷騎兵為營田
之策雖璽書詰責屢至不移于是知賢人君子之忠
于謀國不顧其身有如此者魏置典農而中原富貴
晉開汝潁而河汴委儲足國裕民茲為根本付委之
任詎可非其人哉具官某頃以真才首膺異選往司
管鑰綱紀舊都眷輿地之始歸慨田疇之未墾肆頒

新渥崇建使名爾惟深体朕心考稽事實俾規制一
定功利可期無使管平專美有漢則予汝嘉可

劉無極除知大宗正丞

勅具官某朕以司宗之職付之伯臣而置丞以文士
佐其政令以敦叙屬籍且教且治之爾無極學有本
原語妙天下蘊藉之懿無施不宜勉服厥官以須後
渥可

毛敦書除大理正

勅具官某獄者人之司命而廷尉之事四方取則焉
選于時才以尔為正蓋卿之亞非其旅也勉修厥職

稱是寵休可

向伯奮起復充河南府苗守司叅議官

勅具官某朕念歲右重地久隔王靈肆念弼臣往司
管鑰惟時僚佐迭任寔報爾心計有餘屢更煩使起
之苦塊要徑以逆考有移忠具存古訓勉祇厥事尔
無恨焉可

劉式章蘊充留守司准備差遣先轉一

官

勅具官某上詞尔等咸以才猷擢居幕府進官一等
用寵其行尚勉之哉無忝朕命可

陶愷除司農少卿

勅具官某司農總倉廩委積之事受而尸之稽官吏
言振賦粟鍾庾之數以時出焉任至劇也爾才識通
敏心計有餘裨亞列卿公議惟允勉修厥職嗣有寵
褒可

梁喜分路催發田易錢稽違不往特降兩
官

勅具官某爾受檄以出閱歲乃還事效蔑然墮偷失
職褫官二等以示薄懲可

謝祖信除徽猷閣待制知潭州

勅長沙為一都會襟帶湖湘唇齒荆雍地廣物夥甲
于他路帥守之責選任匪輕具官某學富而文雄才
通而識敏論議之偉見于告猷究觀規模朕所倚辦
茲用輟自禁近俾殿南服假以兵符之重仍陞次對
之華服我茂恩益圖乃績無使智略不祿在前可

范振除江西提刑

勅具官某部使者之職寄朕耳目選用之際所不敢
輕以爾振經學邃深文辭溫麗施于政事亦復絕人
輟自望郎徃司刑憲夫為朕廣好生之仁諭哀矜之
旨使四方司政典獄欽恤明允民用不寃茲非俗吏

之所能為也爾徃懋哉毋棄朕命可

曾楸改知信州

勅朕以牧養之政寄之郡守慮百姓疾苦壅于上聞
而上之德澤弗克下究嘗惕然憂于嘗恐然忘也共
理之責顧不重哉具官某法從老成道廣器用功利
及物隨所施用上饒為郡居四達之衝有山谿之勝
土風俗習可問而知矧兄弟分符疆連壤接魯衛之
化宜相浚先朕于彼民可無憂矣可

茗溪集

卷四十五

外制

茗溪集卷第四十五

外制

胡交修除兵部尚書兼權翰林學士

勅朕惟自昔聖哲之主所以戡難定功救寧方夏豈
 特神靈威武所變化莫敢侮予抑亦訓誥誓命之恢
 供不匿厥指故于簡求文武之懿列于侍從之班未
 嘗不當饋興嗟思見其人而用以自助者也具官某
 器周而用博學茂而辭雄早以重名徧義要路粵自
 禁林之遂旋居常伯之尊守道不回孤忠自信朕慨
 念典刑之老久安湖海之游爰錫贊書併還舊物總

司戎之政令兼視章之雍容事絕前聞茲從近比庶
幾一舉二美其為頗收在于禁中燕許擅其手筆惟
尔得位惟朕有臣豈不休哉可

譚知柔除大理少卿

勅具官某朕哀矜庶獄明審用刑與其殺不辜寧失
不經爾宜知之熟矣其亦識朕遷序勸功之意乎尔
中外踐更智識通敏俾貳廷尉益究厥能傳曰刑者
刑也刑者成也一成而不可變故君子盡心焉朕之
訓言于是乎在可

趙不退轉左奉議郎左廸功郎趙善
循資詞同上

勅具官某國家以三歲之舉網羅群彥尔宗子之秀
刻意藝文與寒畯等遂膺賜第朕心嘉焉躡進官聯
以為尔寵抑以為尔曹之勸可

陳良能母李氏年九十以上特封太孺人
勅李氏朕歛時五福敷錫萬方存勞百年被以恩禮
爾積行閨壺克享上壽朕心嘉焉錫之命書以華其
老抑以為年高德邵者之勸可

吏部員外郎向宗厚通理知州資序合陞

郎中

勅具官某尚書列曹于今為重非秩視郡守則皆負

外置也尔出入中外多所踐更砥節礪名休有譽處
再居省戶正位中郎益懋爾猷以稱茲寵可

向宗厚除浙西提刑

初具官某爾頃以尚書郎出刺浙右忠厚明察身正
而令行民安而吏不偷朕因任群才無間中外茲復
命汝往司刑憲乘軺之寵仍畀故封雖曰外臺實在
轂下爾毋以不得居中為恨焉益勵厥修以俟寵擢
可

京畿都轉運司屬官李閻之等循轉官資
初具官某朕簡求漕臣經理畿甸凡其僚屬聽以名

聞爾等獲在選中才自奮進官一等以寵其行尚
勉之哉可

晁謙之除右司郎中陳正同除樞密院檢
詳

初具官某中臺萬化之原右府本兵之地其屬皆一
時妙選而有觀出納以佐其長則有提司其凡者焉
尔謙之才高識明見于屢試爾正同志行粹美克世
其家夫邦國之政疆場之事尔悉關決而嚴行之其
貴重矣蓋思所以稱是哉可

賀允中吏部郎官劉景真倉部郎官姜師

仲刑部郎官許忻吏部郎官陳膏工部郎
官

勅具官某文昌郎史分掌天下之事雖任有劇易位
有等差而選用之艱尔等宜知之矣亦知所以致此
與遷叙之意乎志節清厲如允中行義堅正如景真
師仲忻也遠于問季膏也敏於吏能不如是朕不以
輕授也詩曰靖共爾位好是正直尔等居其位則思
所以稱焉守此兩言而已可

逢汝霖利州路運副徐天民廣東運判趙
不凡淮東提鹽陳正由福建提舉茶事

勅具官某郡邑之賦山澤之利以佐大農部使者總
其政令稽其受入多寡之數以告于上賞勉而罰偷
其事重矣尔等皆以材選分任一道輶車之出遠而
有光其思所以稱焉可

林待聘除中書舍人

勅代言之重自昔所難眷予復古之初將闡右文之
化典司名命允賴雋人具官某識茂而明學通以博
項更簡拔備見猷為豈惟優世叔之討論抑亦妙君
房之言語輟自柱史進居掖垣雍容清切之班焜耀
寵靈之渥嗚呼予欲德意志慮追三盤五誥之風予

欽隲令文章新四方萬里之聰據爾素蘊毋羞前聞
可

周綱除權吏部侍郎

勅自昔銓選有任人任法之殊非予奪不公則賢愚
同滯得失相補未知孰賢惟我 國朝循用唐制著
為資格以為利人而病法孰若因舊而法存遴簡官
曹典司其事檢察吏欺而已具官某蘊有用之學負
能為之才凡所幾更皆有可紀刃每施于盤錯操不
易于風霜比自近藩入專宰屬雖稍聞于論議殊未
究于設施攝貳天官進班法從茲為異數庸示眷私

服我訓辭職思其稱無使居中之譽咸于治郡之時
可

蘇攜除太常少卿

勅具官某朕惟艱難以未制度多闕豈惟思得博洽
之士蒐補異聞而

祖宗舊典亦欲訪之故家庶幾文物之盛無所愧焉
爾志行得於心成學問由于世濟更閱浸久論議有
餘往貳典臺莫如尔可永懷先正凜然風烈之高喜
見後人尚有典刑之似勉修厥職以稱簡知可

利州路運副鈞光祖落職放罷降一官

勅具官某爾為漕臣總司金穀出納之吝在所當先
而法守蕩然擅行貨易成菜米上朕何敢私褫職貶
官以戒不敏可

汪藻磨勘轉左大中大夫

勅虞舜三載考績之法成周因之大計群吏其詳莫
得聞焉後世遵用以為序進之典務適厥中而已其
官某法從之懿為今老成聲華夔絕于一時出處不
愆于素履奉祠均佚閑日既多會課三銓進官一列
雖非異數庸示不忘可

李唐孺除直徽猷閣陝西路運副陳古除

直徽猷閣秦鳳等路提點刑獄鮮于翰除
直祕閣永興軍路提刑

勅具官某秦隴之地睽隔王靈于今十稔朕懼夫刑
政之類有未盡更賦役之苛遺蠹尚在選任使者固
將安之且寄朕耳目者也爾唐孺爾古爾翰材術之
偉見于屢試分行一道省觀風謠求利疚之所以然
悉以上聞俾朕之德澤得以下究茲非耳目之任所
當為哉爰升延閣之華式重軺車之寵往其祇服益
懋厥猷可

四川轉運副使陳遠猷除右文殿修撰張

深除直徽猷閣並兼陝西路轉運副使專
管熙秦兩路

勅具官某書殿延閣寓直之名所以勸功而懋德授
受之際朕不敢私以爾遠猷智識之明爾深聲寔之
茂增隆寄委茲用序遷夫秦蜀之饒有無相足乖睽
十稔始還其舊民物利疚兩地惟均爾等所宜知也
轉輸之事其為朕并任之取諸濟而已尚勉之哉可

張燾樞史部尚書

勅天官位六卿之長尚書摠三銓之政資格既定古
法寢亡而辨流品專予奪抑貪冒進賢能無所與焉

朕思得端亮之臣冠于法從俾激濁揚清之旨見於
論議舉措之間而百吏凜然向風知所畏慕則銓綜
之妙有不待法而存者顧不偉哉具官某宅心高明
養氣剛大文足以起俗習之陋學足以探聖經之微
閱時艱難引義慷慨有言必盡遇事不辭念禪益之
居多亦迴翔之既久攝居常伯茲用序遷尚體訓辭
益思砥礪惟爾得盡忠之譽則予有知人之明可

茗溪集卷第四十五

茗溪集卷第四十六

外制

馬純江西運副

勅具官某大江以西地稱沃壤賦租之入視他路為多而艱難以來使者數易鮮克勝其任者以尔通練明敏智術甚優博識多聞論議衮衮茲用命爾往司漕計事無劇易惟才是須行尔所知則有餘地尚勉之哉可

上殿鮮于參與改合入官

勅具官某朕燕見臣工訪求民瘼雖隆寒盛暑不敢

自暇庶幾廣覽兼聽有裨治道爾以孤遠入對殿中
論議詳明有當朕意進更官秩是為異恩其勵爾脩
以圖祿塞可

王利用成都府路提刑

勅具官某御史出領外臺挈持憲綱以肅所部蓋累
朝故事示中外為一体也爾居三院分糾六曹守道
不回見謂稱職夫刑辟不苟用也刑期無刑辟以止
辟五禮之教存焉經不云乎士制百姓於刑之中以
教祇德具體茲訓以圖厥中可

王璧祕書省正字

勅具官某以言取人尚矣朕又網羅博洽能文之士
習為典章優其科目以別異之爾在選中既閱歲矣
禁林發策酬對哀哀亦復可觀夫道山藏書之所朕
所以養賢而待問爾往讀未見之書增其所聞揚權
古今令可施用無自畫焉可

李維浙東提刑除直祕閣

勅具官某朕於遣使授指未嘗不訓告煩悉而况刑
獄之事乎漢景之詔曰獄人之大命死者不可復生
言至切也爾學古入官為時望仰願平昔諱論必有
得朕心之所同者與其殺不辜寧失不經不易此言

矣寓直中祕以寵尔行往其懋哉可

徐俯知信州

勅入開機政叅帷幄之籌出鎮方維居師帥之任我
圖舊德茲錫贊書具官某道廣器周才雄識敏文章
主於剛大之氣尚學得于深湛之恩粵自銀虞召還
禁近屢罄謀猷之益旋登宥宥之司謝公實賴于同
憂汲黯固優于補過浩然辨位久矣奉祠視鍾鼎猶
小林豈特棲心于澹泊以翰墨為主客殆將平歲以
優游惟是上饒號稱名郡教條簡肅足以綏彼遠民
巖壑覽觀足以休其暇日往欽成命毋或苗行可

曾幾廣西運副呂用中福建提舉茶事

勅具官某閩嶠去朝廷遠郡縣之吏玩法病民視部
使者能不能以為廉貪勤惰其未久矣爾幾文學志
節出人數等尔用中識慮明審達于事情茲錫贊書
分行一道耳目所及靡有逆遺使彼遠民不病于吏
則為尔能轉餉之勤摘山之利尔等所習聞也成法
在焉勉之而已可

程克俊起居郎王鉢起居舍人

勅具官某朕設左右柱史之職簪筆殿坳言動必書
實用自警非但率循故事而已選任之重異于庶工

惟克俊鉢博物能言絕出倫類鉢由識擢克俊次邊
蔽自朕心式昭寵遇勉之無斃將觀尔能可

隨龍慶國柔懿淑美保慈夫人吳氏上遺
表特贈柔懿淑美端靖肅恭保慈夫人

勅朕隆恩念舊追往厚終眷惟慈保之勲敢浚哀崇
之典慶國某夫人吳氏婉嫕淑美端莊裕和行慈中
於壺彛言不踰于內則儀刑禁掖居有令名擁佑眇
躬至登大寶念艱虞之方靖固康樂之是圖庶安鍾
鼎之榮遽覺壑舟之遠愍章雖寵顧莫寫于予悲崇
號有加冀益昭於尔德惟光靈之未泯尚誠意之可

通可

故保慈夫人親屬孫女雍氏故男新婦陳
氏並封孺人

勅某氏眷惟保慈之德實佑朕躬奄其云亡中心是
悼疏恩之典并及懿親祇服寵休毋忘所自可

故保慈夫人本位官承節郎代手分蘇練
特與轉兩官

勅具官某眷惟保慈之德實佑朕躬奄其云亡中心
是悼疏恩之典下及儲胥祇服寵休毋忘所自可

范同除檢正

勅其官某兩禁腹心之地管轄萬務賦于中臺爰置
屬僚總司其出以尔同學問淹貫志行卓偉更閱既
久聲稱蔚然稽于群言宜在茲選嗚呼命令之出實
艱厥初毫釐之差繆以尋丈尔居其位則思其稱焉
勉之毋忽可

朱松吏部郎官張官司勲郎官喻汝礪駕

部郎官

勅其官某中臺總天下之政列屬分曹序于左右既
重其選旋以次遷將使明習憲章周知其故則朕儲
蓄待問不為無人惟松與宦一時之望汝礪召自遐

服敷奏可觀茲錫贊書各事其事無使來效有愧朕
言可

陳昱大理寺丞

勅其官某獄重事也人有智愚官有上下獄疑者讞
至移廷尉則他無所控告矣今命尔往為之屬以觀
厥能俾民自以為不冤則為稱朕可

楊邁知夔州

勅其官某夔居楚蜀之間控臨三峡是為喉咽之地
建牙分閫重于他邦爾邁敏識絕人通才適及更閱
既久譽稱其實我圖帥守愈日汝宜綏靖兵民布宣

惠澤汝之職也往其懋哉可

王次翁工部侍郎

勅宮室器械之政營田山澤之令名在冬官職存事
典惟時卿貳選任匪輕具官某行稱其言識根于學
項自柱史擢居掖垣謀猷早鄭國之討論制作得漢
家之深厚迴翔既久進秩是宜疇若予工莫知汝可
往欽成命無替厥終可

程克俊中書舍人

勅柱史託言動之官中書基命令之地非一時之傑
不與選掄而兩禁之嚴均為近密茲錫贊書之寵序

陞法從之班具官某志行不群論議守正履聖賢之
閫闕咀典籍之英華發為文辭最宜訓誥服我新渥
據爾舊聞予欲觀仲舒之古風見于有作予欲問崔
琳之今事益所未能勉追昔人以祿朕意可

周葵起居郎

勅左史載筆職在記勳進直螭陛退居鸞臺是惟儒
者一時之榮以爾葵執德清夷秉心端亮兩居御史
風節凜然有藜藿不採之威見松柏後凋之操引以
自近益觀厥猷我乃正心爾無曲筆庶幾終譽不愧
前修可

李仲孺知廬州

勅具官某合肥地控江淮為今重鎮搶攘之後民物尚繁必得一時通敏之才付以千里帥守之任尔器能宏博論議激昂奉使典州所臨底績易畀方面以完尔長詩曰不剛不柔敷政優々又曰愷悌君子神所勞矣服我明訓毋失厥中可

茗溪集卷第四十六

茗溪集卷第四十七

外制

林積仁廣東運副劉景真淮西運判沈禹

卿江西提鹽

勅具官某丁口田賦之入摘山煮海之利以佐大農部使者實司其責故於選任未嘗敢輕爾等皆以才稱屢更試用分行一道徃究厥能至于問俗觀風禁姦戢暴尔爾等所宜先也可不懋哉可

右迪功郎于定遠管押廣南市舶司乳香至行在與循一資

初具官某有司以舶商之貨歸于朝廷馳驅道途護
視惟謹進階一列用荅爾勤可

晁謙之權戶部侍郎

勅朕惟艱難以來費出無藝金穀之問朝廷是憂豈
無精敏之才任此盈虛之責疇咨在位我得其人具
官某謀府覲深器資宏遠荐更煩使綽有能名茲從
宰士之聯攝貳版曹之改進班侍從寵絕等夷往盡
乃心務揚厥職惟心計之妙接武於研桑而錢流之
稱抗行于晏巽斯為祿職不愧異恩可

梁汝嘉寶文閣直學士提舉江州太平觀

勅朕於近臣視同一體謂出處之事雖異而勞佚之
任宜均曲軫其私率歸于厚具官某早內簡拔荐試
劇煩識洞照於幾微才每優於盤錯再復版曹之貳
旋躋常伯之聯方須經久之圖遽上乞閑之疏西清
通籍真館奉祠欽予從欲之仁適爾會心之樂徃思
其稱無替厥終可

曹偉明自陝西諸路節制司差赴

行在陞對特改合入官

初具官某爾係心王室悔罪知歸賜對便朝敷奏有
序超陞官秩併滌舊汙祗服訓辭無忘報塞可

程邁就陞徽猷閣直學士知饒州

勅鄱陽古郡控江帶湖民物阜饒甲子一道屬者歲
饑銀食農夫皆病師帥之任求所以惻怛憂民如朕
心者付之則庶幾焉具官某法從老成志行堅正政
術之敏為時吏師是用易畀左符就陞內閣輟自近
甸徃綏遠民爾其振厲勸分薄歛已責荒政所急罔
有送遺長材固異於侏儒利刃不辭于盤錯欽予成
命益懋乃猷可

游損金部郎官

勅具官某文昌列屬匪賢不居而賦金摠財用之出

入其事為重以爾損名卿之子行義甚修俾服厥官
公議唯允尚思砥礪以稱茂恩可

祝師龍太府寺丞

勅具官某太府之職出納邦財丞于其間事任惟劇
爾才能小異達于聽聞徃服厥官以佐而長可

蘇符禮部侍郎

勅朕惟先王備禮通于天地和樂格於祖考制作之
妙必既其實不于其文後世禮樂之意既止而鐘鼓
玉帛之末尚多闕焉况其實乎祝史于是揖遜其間
其君以為迂濶于事則所謂宗伯之職蓋亦名存而

已具官某學有家法行如古人迴翔禁省之嚴備罄
討論之益李揆第一豈惟推重于中朝張鷟無雙頗
亦見詢于異域春官之貳名實具宜爾其引義據經
斟酌損益使一代之典復出於搶攘之餘則朕復古
之功於是乎在不勉哉可

胡世將除寶文閣學士川陝宣撫副使諸

路並聽節制

勅三秦天下兵勁之地全蜀坤維斗絕之區並列師
屯宏開幕府以壯山河之勢以張貔虎之威不有重
人孰膺異選具官某疏通英特篤厚粹深學博古而

達今氣絕群而邁往雍容持橐有猷可替否之風懷
慨臨戎有扶顛持危之志資實兼於文武身每繫于
重輕一昨蔽自朕心出當閫寄方略實超于前古精
神坐折於遐衝茲錫贊書益隆眷委正齋壇之寵數
儼上將之威容并鉞參旗制兩地兵戎之命雲章奎
畫冠五閣英俊之游久矣疇咨莫如汝可噫謀晉國
之帥蓋難其人願漢廷之臣無出其右祇服明訓適
觀壯猶可

賜樓炤辭免恩命不允詔

勅樓炤省所奏乞辭免新除翰林學士恩命具悉翰

墨之林儒者以為極任文章之職他才不可得兼者
有成言朕所遴選嚴助在漢稱淮南諭意之辭陸贄
居唐見山東揮涕之詔豈特討論修飾之有賴抑亦
理亂安危之是資卿以卓越之才淵源之學儀于要
路綽有令名頃自東臺既兼北戶當疆場牧宰之始
受書詔填委之時又殆類于天成意悉如於朕出爰
正為真之命屬于已試之良衆謂當然予猶恨晚而
乃過形遜避殊拂眷懷况大號之已行奚小廉之足
尚所請宜不允故茲詔示想宜知悉

賜李綱辭免知潭州不允詔

承命滋恭傳嘉考父聞詔引道史稱汾陽朕思見古
人置食三嘆故於任用之際未嘗不加省焉卿氣節
之高議論之偉以身殉國略見于前其自視宜在考
父汾陽之間抑朕以是望卿湖湘帥藩後得君重而
封章再至退託不能似未亮于至懷亦少衰于素志
茲朕所以惑也卿其深體訓言亟祇厥服無使始終
之義有愧前聞則朕亦與有知人之稱豈不韙哉所
請宜不允

賜李綱再辭免知潭州不允詔

朕軫念遠民且以湖湘帥聞之重簡求宿望往鎮臨

又卿許國之忠不擇地而安有自來矣茲覽來疏至
于再三是何辭之刃也重違卿意其復以真祠之祿
從所便安抑不失朕體貌之意焉所請宜允

賜張浚辭免知福州不允詔

勅張浚省所劄子奏辭免資政殿大學士福建路安
撫大使兼知福州恩命事具悉卿出入將相許國以
身閱歷多艱忠勤不替朕方與民休息宣布惠慈增
重帥垣載疇宿望矧甌閩雄勝卿所經行觀覽山川
固嘗周知民隱雍容樽俎足以消弭姦萌分朕顧憂
非卿孰可往祇厥服無事小廉所請宜不允

賜張浚再辭免知福州不允詔

勅張浚云云具悉朕惟長樂為今名區分閩之嚴蓋
疇宿望卿以出將入相之舊席徑文緯武之才分朕
顧憂僉言惟允矧山川勝麗未減昔游飾板輿以奉
親憑熊軾以問俗為卿擇地無以加焉茲存覽于來
章似未孚于至意往其祇服勿復有辭所請宜不允

賜新除礼部侍郎蘇符辭免

恩命不允詔

勅蘇符省所奏辭免礼部侍郎恩命事具悉朕於六
卿之貳必求望人典禮之司尤為異選卿宏才偉識

博物洽聞言必據經事皆守古論思二者裨益居多
至于蒐補闕文參稽舊典宜卿之所樂聞也卿不知
禮當誰知之其思承命之恭毋事循牆之避所請宜
不允故茲詔示想宜知悉

賜新除工部侍郎李誼辭免


恩命不允詔


勅李誼省所奏辭免工部侍郎恩命事具悉卿秉心
端懿植學粹醇往在諫垣著直諒多聞之益繼居詞
掖見深厚爾雅之風譽處之休廻翔之久朕所深知
而熟察也六卿之貳選任則優非予敢私實有公議

往祇成命勿復多云所請宜不允故茲詔示想宜知
悉

卷之二

七





卷之四